

## ՍԻԼՎԱ ՍՈՒՔԻԱՍՅԱՆ

## ԽՈՍՈՒՄ ԵՆ ՆԱՄԱԿՆԵՐԸ

ԱՄԵՆԱՅՆ ՀԱՅՈՑ ԿԱԹՈՂԻԿՈՍ  
ԳԱՐԵԳԻՆ ԱՌԱՋԻՆԻ ՆԱՄԱԿԱՆԻՆ

Ինչպես արվեստագետների, գիտնականների, հասարակական-քաղաքական գործիչների, գրողների, այնպես էլ մտավորական հոգևորականների և Կաթողիկոսներից յուրաքանչյուրի կյանքն ու գործունեությունը, հետաքրքրասիրությունների աշխարհը, կյանքի, մարդկանց նկատմամբ հայացքները յուրովի ներկայացվել են ստեղծագործությունների, ինքնակենսագրական հուշերի և հատկապես գրած մամակների մեջ: Թերևս մամակներում է անկաշկանդ ձևով դրսևորվել ու բացահայտվել նրանց ապրած կյանքը, ապագայի իղձերը, ցանկությունները, երազներն ու տվայտանքները: Երբեմն մամակները եղել են անձնական, իսկ մեծ մասամբ՝ ազգային-հայրենասիրական և հաճախ համամարդկային բնույթի: ՀՀ պետական կենտրոնական արխիվում, որը մեր հանրապետության կարևոր օջախներից մեկն է, հանգրվանել են հայ ժողովրդի ազնվագույն մտավորականների մամակները՝ Կոմիտաս, Արշակ Չոպանյան, Գրիգոր Զոհրապ, Սիամանթո, Դանիել Վարուժան... Գուրգուրանքով, մեծ հոգատարությամբ պահպանվում են նաև եկեղեցական մտավորականների անձնական արխիվները՝ Խրիմյան Հայրիկ Կաթողիկոս, Գարեգին Հովսեփյան Կաթողիկոս, Մաղաքիա Օրմանյան Պատրիարք, Կարապետ եպիսկոպոս Տեր-Մկրտչյան...

Արխիվում խնամքով պահպանվում են նաև Ամենայն Հայոց Կաթողիկոս Գարեգին Ա-ի թղթակցությունները սփյուռքահայ հասարակական-քաղաքական գործիչ, հայագետ-գիտնական, հայրենասեր Հայկ Բերբերյանի հետ: Նամակներին ծանոթանալու և ուսումնասիրելու համար դրանք սիրով մեզ տրամադրեց ՀՀ արվեստի, գրականության և մամուլի արխիվի տնօրեն Սանդրո Բեհրուդյանը: Նրանց միջև մամակագրությունը հաստատվել է 1957 թ., երբ Գարեգին Սարգսյանը երիտասարդ արեղա, դեռևս ոչ այնքան հայտնի հոգևորական էր, Օքսֆորդի համալսարանի ուսանող, իսկ Հայկ Բերբերյանը՝ հայտնի, ճանաչված, ծանրակշիռ վաստակով մտավորական: Այդ վավերաթղթերը փայլուն վկայությունն են նրանց սրտամոտ, ջերմ, անխախտ բարեկամության:

Մեծանուն արվեստագետի և Սարգսյան հոգևորականի մամակ-պատասխանները գրքի, գրականության, արվեստի, կրոնի, պատմության, ազգային ցավոտ խնդիրներին վերաբերող հարցեր են շոշափում: Այդ մամակները հստակ պատկերացում են տալիս Կաթողիկոսի կյանքի, հայրենասիրական հայացքների, գրական-գեղարվեստական գործունեության մասին: Բերբերյան գիտնականը ողջունել և բարձր է գնահատել երիտասարդ վարդապետի ուսումնասիրությունները, պրպտումները մատենագրության ասպարեզում: Ասածիս ապացույցն է Հայկ Բերբերյանի մամակներից մեկը, որտեղ ասվում է. «Ընորհակալությամբ ստացայ Հայ քրիստոնեական գրականութեան մասին ձեր հրատարակած գրքոյկը, որ հակառակ իր փոքր ծավալին, շատ բան կը պարունակէ եւ կարելոր



նպաստ մըն է մեր մատենագրութեան ուսումնասիրութեան ասպարէզում: Անկեղծօրէն կը շնորհատրեմ ձեզ այս աշխատանքին համար... «Օրինթասիոն էքիումենիքի» մէջ 1958-ին յօդուած մը հրատարակած էք եղեր: Կարելի՞ է արդեօք օրինակ մը ունենալ»: Թերևս մի գրախօսականի անկեղծ ու ճշգրիտ գնահատական էր այս հակիրճ բնութագրումը:

Նման խոստովանությունները օգնել են ինչպես մեծ գիտնականին, այնպես էլ երիտասարդ հոգևորականին ավելի ճշգրիտ արժևորել կատարած գործի կշիռը և չափը: Այս մասին են վկայում Գարեգին վարդապետ Սարգսյանի նամակներից մեկի հետևյալ տողերը. «Ստացայ խորին շնորհակալութեամբ Ձեր հրատարակած «Աշխարհացոյց վարդանայ վարդապետին», որուն մասին արդեն խօսիլ էիք ինձի և նախափորձերին ալ տեսնելու առիթ ունեցած էի ձեր մօտ: Ուշադրութեամբ կարդացի և արդեն իսկ պատրաստեցի գրախօսական մը, որ արդեն իսկ լոյս կը տեսնէ ի մօտոյ «Հասկ»-ին մէջ: Գիտական պրպտումի և խղճմիտ աշխատանքի աղւոր մոյշ մըն է անկախաբար իր նիւթին արժէքէն, իբրև մեթոդ ունի գիտական լուրջ հանգամանք և արժէք... Շատ շնորհակալ եմ անգլերէն գրքոյկիս մասին Ձեր յայտնած գնահատական դատաստանին համար, որ ինձի համար լուրջ և արժէքաւոր վկայութիւն է»:

Ընդգրկուն բացատրական փոխադարձ նամակագրական երկխոսություն է ընթացել՝ կապված Գարեգին Կաթողիկոս Հովսեփյանի ամբողջական երկերի հրատարակությանը վերաբերող մանրամասներին: Ահա ինչ է գրում Գարեգին վարդապետ Սարգսյանը. «Երկար լուրսէնէ մը ետք որոշ կարօտի և ուրախութեան զգացումով մը կը գրեմ այս տողերը գիտական գործունէութեան հաճելի հեռանկարով մը և միշտ նոյն բարեկամութեան զգացումին մէջ: Գալուստ Կիւլպէնկեան հաստատութիւնը մեծապէս գնահատելի գաղափարն է ունեցած հրատարակելու հայագիտական ամբողջական երկերը մեծանուն Գարեգին Կաթողիկոս Յովսեփեանցի»: Պր. Ռոպէր Կիւլպէնկեան խնդրեց, որ ես ստանձնեմ հրատարակութեան գործին պատասխանատուութիւնը: Սիրով ընդառաջեցի խորհելով, որ իբրեւ նախկին աշակերտ Գարեգին Կաթողիկոսի, սիրոյ պարտք մըն էր նաեւ ինձի աշխատիլ իր յիշատակի պանծացումին ի խնդիր և միանգամայն փոքրիկ ծառայութիւն մը բերել հայագիտական ուսմանց, որոնք այնքան մօտիկ են սրտիս և որմէ այլազան զբաղումներ զիս այնքան հեռու կը պահեն»:

Նամակի ընթերցումից մեր առջև հառնում է իսկական մտավորականը, հայրենասեր ազգային գործիչը, որի կյանքը նվիրում է եղել Եկեղեցուն, ժողովրդին, հայրենիքին: Նամակներում պր. Բերբերյանին մանրամասն հաղորդում է, թե ինչպիսի բարեխղճությամբ, մանրակրկիտ ուսումնասիրությամբ, առանձին գիտնականների հետ խորհրդակցելով է հրատարակել ձեռագրագետ, պատմաբան, բանասեր գիտնականի երկերի ժողովածուն: Այդ ամենը հաստատում է 1969 թ. սեպտեմբերի 21-ին տիար Հայկ Բերբերյանին գրած նամակում. «Շատ մօտիկ բարեկամներէն փրոֆ. Լ. Խաչիկեանը, որ մեծապէս հրճուեցաւ երբ իմացաւ, որ մօտ ատենէն լոյս կը տեսնէ Գարեգին Կաթողիկոսի ամբողջական երկերու Ա. հատորը: Իր գրասենեակին մէջ աչքէ անցուցի Գարեգին Կաթողիկոսի արխիւին ցուցակը: Հետաքրքրական նիւթեր կան այնտեղ ըստ երևոյթին: Դժբախտաբար միայն հինգ-վեց օր մնացի Հայաստան և այնքան զբաղած եղայ Էջմիածնի մէջ, որ անկարելի եղաւ ինձի աւելի երկար մնալ Մատենադարան և աչքի անցնիլ



արխիւը»: Կարծէ սակայն առիթով մը երթալ և շուրջ մէկ ամիս մնալով ուսումնասիրել այդ արխիւը և տեսնիլ թէ ի՞նչ նորութիւններ կարելի է գտնել անոնց մէջ»: Վարձատրված է Գարեգին վարդապետը, քանզի վավերագրերի ցանկում նշանակալից է մասն հաղորդում, որ «Գալուստ Կիւլպէնկեան հիմնարկութիւնը իր խորին շնորհակալիքը կը յայտնէ Գեր. Տ. Գարեգին եպիսկոպոս Սարգիսեանին ամբողջական երկերուն պատրաստութեան բազմապահանջ եւ պատասխանատու հոգը» ստանձնելու համար:

Գարեգին եպիսկոպոս Սարգսյանի պրպտող միտքը չէր կարող սահմանափակվել միայն այս գրքերի հրատարակությամբ, և նա ձեռնամուխ է լինում մասն կարապետ եպիսկոպոս Տեր-Մկրտչյանի հոդվածների ժողովածուն հրատարակելուն: Ահա ինչ է խոստովանում նա 1962 թ. փետրվարի 26-ին ուղարկած նամակում. «Երբ Թաւրիզ էի, ուր Կարապետ Տէր Մկրտչեան սրբազանի յիշատակը այնքան կենդանի է, գաղափար ունեցայ «Արարատի» մէջ իր հրատարակած յօդուածները ի մի խմբելու և բացատրողական յառաջաբանով մը հրատարակելու»: Գարեգին Սարգսյան մտավորականի աշխատասիրությամբ և առաջաբանով Անթիլիասում հրատարակվեց Կարապետ եպս. Տեր-Մկրտչյանի ոգեղեն հոդվածների ժողովածուն: Իսկ այդ օրերին հրատարակված իր աշխատության մասին համեստաբար գրում է. «Անցնող տարւոյն վերջաւորութեան, անգլերէն լեզուով գրքոյկ մը հրատարակեցի Արևելեան Եկեղեցիներու մասին. փոստի միջոցաւ կ'ուղարկեմ Ձեզի օրինակ մը»:

Նամակները վկայում են, թէ ինչպիսի բարեկամական հարաբերություններ են եղել հայ ժողովրդի անվանի մտավորականների, օտարազգի հայագետների հետ՝ պրոֆ. Վահէ Սեթեյան, Պաուրա, Շահնուր, Հ. Միլլտենման, Ս. Քոլանջյան, Սիրարիի Տեր-Ներսեսյան և այլն: Մէկ անգամ ևս համոզվում և հստակ պատկերացում ես կազմում, թէ որքան կարևոր և ազգանվեր գործունեություն է կատարել ի նպաստ հայ ժողովրդի և Հայոց Եկեղեցու միջազգային հեղինակությանը, երբ ծանոթանում ես նամակների այն բաժնին, որոնք պատմում են աշխարհի տարբեր տեղերում /Հնդկաստան, Ժնև, Փարիզ/ հրավիրված գիտաժողովների, խորհրդակցությունների մասին: Հետաքրքիր է մասն Բերբերյանի նամակը՝ հասցեագրված Գարեգին եպիսկոպոսին. «Օտար հայագետներու Օքսֆորտ ժամանումէ օգտուելով, պիտի խնդրէի, որ անոնց հրատարակուած կամ պատրաստութեան մէջ գտնուող գործերուն ցանկը պատրաստել տայիք իրենց: Մինչեւ այսօր յստակ գաղափար մը չունիմ թէ Տրիստըն ինչ պատրաստելու վրայ է»:

Պահպանված այս նամակները մէկ անգամ ևս հավաստում են, որ Նորին Սրբությունը վարչական, հոգևոր-եկեղեցական անվերապահ ծառայությամբ կարևոր դեր է կատարել մասն Մեծի Տանն Կիլիկիո Կաթողիկոսության Դպրեվանքում նոր սերնդի դաստիարակության գործում. «Դժբախտաբար այնքան ծանրաբեռնուած եմ դասերով և տեսչական գործերով, որ գրեթէ երբեք առիթ չեմ ունենար մասնաւոր ուսումնասիրութիւններ կատարելու: Ծաբաթական 22 պահ դասաւանդութիւն ունիմ: 18-ը՝ Դպրեվանքի ընծայարանի սարկաւազներուն և 4-ը՝ ճեմարանական լսարանական բաժնին: Դասերս առհասարակ դասախօսութիւններ են, որոնք կը պահանջեն լուրջ պատրաստութիւն: Կողմնակի վանական պարտաւորութիւններ՝ պատարագներ, քարոզներ, երբեմն հրապարակային դասախօսութիւններ աւելի կը ծանրացնեն զբաղումներս և յաճախ կը ցրուուին



ճիգերս: Կը յուսամ մէկ երկու տարիէն կը թեթեւանան դասերս և աոիթ կը գտնես քանասիրական խորքով ուսումնասիրութիւնների»: Լիովին չիրականացավ Նորին Սրբության այդ բաղձանքը, քանզի ժողովուրդը գնահատեց հայրենասեր հոգևորականի կազմակերպչական կարողութիւնները, նախնիներից ժառանգած առաքինի հատկանիշները՝ ջերմեռանդ հավատացյալ, քաջ հովվապետ, կրթանվեր ու հայրենասեր մտավորական, և նրանից պահանջեց շատ ավելի կարևոր մի առաքելութիւն, հովվել հոտը Ամենայն Հայոց Կաթողիկոսության բարձունքից:

Ուսումնասիրելով Ամենայն Հայոց Կաթողիկոս Գարեգին Ա-ի նամակների փոքրիկ մի մասը՝ պիտի ցանկանայինք, որ այն դառնար հասարակության սեփականութիւնը, որոնցից ամեն մեկը կարող է դիտվել իբրև գրական-գեղարվեստական մի փոքրիկ նմուշ, որոնք բնորոշում են Նորին Սուրբ Օծության հոգու վեհութիւնը, սրտի ազնվութիւնը ու մարդասիրութիւնը: Հրապարակի վրա են մեր մշակույթի, գիտության, գրողների նշանավոր գործիչներից շատերի /Թումանյան, Տերյան, Իսահակյան.../ նամակները, որոնք ազգային և անհատական խնդիրներ արծարծելուց բացի, ընթերցանության սիրված գրքեր են դարձել: Հուսանք, որ մեծանուն հեղինակների շարքում Ամենայն Հայոց Կաթողիկոս Գարեգին Ա-ի նամականին ես կներկայացվի ընթերցողին, որը ոչ միայն գրական, այլև գիտա-մշակութային մեծ արժեք ունի: